

O'ZBEKISTON RESPUBLIKASI
OLIY TA'LIM, FAN VA INNOVATSIYALAR VAZIRLIGI
FARG'ONA DAVLAT UNIVERSITETI

**FarDU.
ILMIY
XABARLAR**

1995-yildan nashr etiladi
Yilda 6 marta chiqadi

6-2024

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

Aholi maskanlarini vujudga kelishida geomorfologik omillarning o'rni va ahamiyati	231
O.I.Abdug'aniyev	
Muhofaza etiladigan tabiiy hududlar tizimining reprezentativligi va samaradorligini baholash usullari	236
T.D.Jumayev, Sh.B.Qurbanov	
O'zbekiston tog' zonasasi ma'muriy-hududiy bo'linishi xususiyatlari va ularni takomillashtirish	244
P.A.Xasanov	
Landshaftlardan foydalanishda turli yondashuvlarning qo'llanilishi va tizimli yondashuv	250
<hr/>	
QISHLOQ XO'JALIGI	
N.A.Abdujalil, S.A.Bayrambay, I.N.Mamajonov	
Urug'lik paxtani yetishtirish va yuqori kondisiyali urug'lik fondini tayyorlash.....	257

ILMIY AXBOROT

K.G'.Baykalanov	
O'zbekistonda ma'naviy-ma'rifiy ishlar samarodarligini oshirishda jamiyat ijtimoiy-ma'naviy muhit farovonligining o'rni.....	263
G.M.Maxsudova	
Ekologik ta'limni modernizatsiyalashda ekosavodxonlikni shakllantirishning pedagogik va integrativ jihatlari	267
Sh.Ismatov	
Yangi O'zbekiston – yangi ma'naviy makon	272
A.A.Saodatov	
Yoshlar ekologik madaniyatida nodavlat-notijorat tashkilotlarining tutgan o'rni.....	276
M.X.Raxmatulloev	
Buxoro viloyat radiosining tashkil topishi tarixi va faoliyati	280
D.I.Nuriddinova	
Ona tili ta'limi jarayonida boshlang'ich sinf o'quvchilarida shaxslararo munosabat madaniyatini shakllantirish texnologiyasi.....	285
D.M.Redjabova	
Mamlakatimizda amalga oshirilayotgan islohotlarning yangi bosqichida xotin-qizlarning davlat tashkilotlaridagi faolligi	290
D.A.Abduraxmonov	
Bo'lajak pedagoglarda kreativ-pedagogik yondashuv asosida kasbiy kompetentlikni rivojlantirishning metodologik jihatlari	294
K.I.Turdaliyeva	
Интерпретация литературы по формированию функциональной грамотности учащихся начальных классов	297
N.A.Subxonova	
Mahalliy va xorij manbalarida Amir Shohmurod shaxsi va faoliyati tavsifi	303
Sh.M.Xaydarova	
Yangi O'zbekistonda axloqiy va diniy qadriyatlar o'tasidagi dialektik munosabatlar va ularning rivojlanishi	307
D.M.Xusanov	
Axloqiy qadriyatlar va ularning postmodern jamiyatdagi o'ziga xos jihatlari	311
R.S.Batirov	
Ijtimoiy kapital tushunchasi va uning asosiy elementlari xususida	315
A.X.Mamadalimov	
Kosmopolitizm tushunchasi va uning asosiy yo'nalishlari xususida	319
Y.Sh.Yunusova	
Yangi O'zbekistonda ijtimoiy modernizatsiya jarayonlarining falsafiy xususiyatlari	324
N.T.Buzrukova	
Zamonaviy jamiyatda shaxsiy xavfsizlik va daxlsizlikni ta'minlash zarurati va falsafiy asoslari	327



УО'К: 908(575.1)

BUXORO VILOYAT RADIOSINING TASHKIL TOPISHI TARIXI VA FAOLIYATI
ИСТОРИЯ И ДЕЯТЕЛЬНОСТЬ РАДИО БУХАРСКОЙ ОБЛАСТИ
THE HISTORY AND ACTIVITIES OF BUKHARA REGIONAL RADIO

Raxmatulloyev Murodjon Xikmatulloyevich 

Buxoro davlat universiteti tadqiqotchisi

Annotatsiya

Ushbu maqolada Buxoro radiosи faoliyat tarixi, efir setkasidan so'nggi yangiliklar, gazetalar sharhi, gramplastinkalar orqali beriladigan konsert dasturlari, adabiy eshittirishlar va bolalar uchun mo'jallangan dasturlar o'rн olgan edi. Texnik taraqqiyot tufayli sohada bosqichma-bosqich imko-niyatlar kengayib borayotganligi tahlil etilgan.

Аннотация

В данной статье рассматривается история деятельности Бухарского радио, последние новости из эфирной сетки, обзоры газет, концертные программы, транслируемые через грампластинки, литературные передачи и программы, предназначенные для детей. Анализируется, как технический прогресс постепенно расширяет возможности в этой области.

Abstract

This article discusses the history of Bukhara Radio's activities, recent news from the broadcast schedule, newspaper reviews, concert programs broadcasted through gramophone records, literary broadcasts, and programs intended for children. It analyzes how technical advancements are gradually expanding opportunities in the field.

Kalit so'zlar: Muhim axborot, radio, "Buxoro haqiqati", studiya, ommaviy axborot, simsiz uzatish radiotexnikalari, redaksiya, jonli efir.

Ключевые слова: важная информация, радио, "Бухарская правда", студия, средства массовой информации, технологии беспроводной передачи, редакция, прямой эфир.

Key words: important information, radio, "Bukhara Truth," studio, mass media, wireless transmission technologies, editorial office, live broadcast.

KIRISH

Muhim axborot vositasi sifatida radio bugungi kunda nafaqat axborot tarqatish, balki ma'nnaviy-ma'rifiy, ko'ngilochar, omma fikrini shakllantirish kabi vazifalarini bajarib kelmoqda. Bundan bir asr avval keng ommaga kirib borgan radioaloqa vositasi yillar davomida yanada takomillashdi. Turli ommaviy axborot vositalari ta'siri ostida ushbu aloqa-axborot vositasi negizida aloqa-axborot vositalarining yangi avlodlari kompyuter, mobil aloqa vositasi, planshetlar paydo bo'ldi. XXI asr boshidan tinglovchilar bilan bevosita bog'lanish va jonli efirga simsiz uzatish radiotexnikalari, mobil telefonlari orqali kanallarni tinglash imkoniyatlari kengaydi. Hozir inson qay makonda bo'lmasin, radio tinglash va joylardan turib studiyalar bilan bog'lanish imkoniyatlari mavjud.

NATIJA VA MUHOKAMA

Buxoro radiosи faoliyati 1927-yil 23-oktyabrdan boshlangan. 1930-yil 23-yanvarda yangi Buxoro, G'ijduvon tumani, Bahouddin qishloqlari namunali hudud sifatida belgilanib, mazkur qishloqlarda 200 ga yaqin radionuqta o'rnatilgan.

1921-yil, 1-avgustda Buxoroda registon maydoni ro'parasidagi amirning sobiq rezidensiyasi - Arkda 2 kilovattlik radiostansiya quriladi. Radiotexnik Egorov Toshkent, Samarqand, Chorjo'y va Kushkadan axborotlar qabul qilib olib, uni "Byulleten" tariqasida mashinkada yoki qo'lda bir necha nusxada ko'paytirib, Buxoro Respublikasi hukumati xodimlari o'tasida tarqatgan.

1923-yil 12-oktabrda Eski Buxoro shahrida 10 kilovatt, sharqiy Buxoroda 5 kilovatt quvvatga ega bo'lgan ra-diostansiyalar qurilib ishga tushiriladi va ular mutaxassislar, texnika vositalari bilan

ILMIY AXBOROT

ta'minlanadi. Keksa jurnalist, "Buxoro haqiqati" gazetasining sobiq muharrirlaridan biri Rustam Abdurahmonovning tasdiqlashicha, 1924-yildan 1926-yilga qadar Buxoro shahrida radioeshittirishlar redaksiyasi tashkil topadi. Redaksiya bir necha o'n tochkadan iborat karnaylar orqali qisqa axborotlar bergen va o'sha paytdagi xalq hofiz-xonandalari domla Halim Ibodov, Qori Komil, Levicha Boboxonovlar ishtirokida Buxoro xalq Shashmaqomi va kuylarini targ'ib etgan. Zarafshon okrugi o'rniда Buxoro oblasti tashkil topganligi viloyat radiosining muttasil ishlashini ta'minlagan. 1938 yildan hozirga qadar eshittirishlar mundarijasi, mavzulari, janrlari, g'oyaviy-siyosiy saviyasi qadam-baqadam o'sib, takomillashib bordi. Dastlab faqat o'zbek tilida eshittirishlar tayyorlangan bo'lsa, keyinroq rus, 1968-yildan esa tojik redaksiyalari tashkil etildi. Ularning eshittirishlari rang-barang, dilkash va diqqatga sazovor bo'la boshlagan.

"Buxoro haqiqati" (hozirgi "Buxoronom") gazetasining 1965-yil, 7-maydagi 88-sonida Buxoro oblast radioeshittirish komiteti raisi A. Nurmuhammedov o'z maqolasida "Buxorodan gapiramiz!" degan so'zlar 1933-yildan boshlab eshitilayotganligini qayd etgan. Buxoro viloyati davlat Arxivida viloyat radioeshittirish qo'mitasining hujjatlari mavjud bo'lib, bu hujjatlar 1938-1991 yillarni o'z ichiga oladi. Viloyat davlat Arxivi saqlov xonalaridagi manbalarga ko'ra, Buxoro radiosи 1938 yillarda o'zbek, tojik va rus tillarida: "Guzar" rukni ostida soat 16:00 dan 16:30 gacha hamda 23:00 dan 24:00 gacha, kech soat 2:00 dan 2:40 ga qadar to'g'ridan-to'g'ri efirlar uzatilgan. Demak, 1938-yilgacha ham Buxoroda dastlabki radioeshittirishlar, qabul qiluvchi radiostansiyalar, radionuqtalar faoliyat ko'rsatgan.

1978-yili Buxoro radiosи Buxoro oblastining 533 ming tonnalik "oq oltin" xirmonini bунyod etganligi haqida paxtakorlar uchun eshittirish bergen. Shu bilan birgalikda Buxoroda paxtani mashinada terish rejasи muvaffaqiyatli bajarilgani alohida qayd etilgan. Birinchi marta 266 ming tonna paxta "po'lat etak"larda terib olingani radiodan e'lon qilingan. Shu o'rinda Buxoro oblast xirmoniga Navoyi rayoni - 64 ming 20 tonna, G'ijduvon rayoni - 59 ming 240 tonna, Vobkent rayoni - 49 ming 740 tonna, Sverdlov rayoni - 48 ming 320 tonna, Shofirkon rayoni - 47 ming 870 tonna, Romitan rayoni - 47 ming 690 tonna, Qorako'l rayoni - 44 ming 220 tonna, Buxoro rayoni - 43 ming 930 tonna, Peshko' rayoni - 43 ming 610 tonna, Qiziltepa rayoni - 37 ming 160 tonna, Olot rayoni - 24 ming 750 tonna, Kogon rayoni 21 ming 650 tonna, Buxoro shahri 800 tonna oq oltin terib topshirani haqida paxtakorlarga ma'lumot berilgan.

Buxoro radiosи arxivi juda boy bo'lib, magnit lentalarida mashhur san'at ustalari ijro etgan mumtoz qo'shiqlar, yozuvchi va shoirlarning ovozlari, radioinssenirovkalar saqlanmoqda. Keyingi yillarda ushbu nodir xazinani raqamlashtirish ishlari olib borilmoqda. Radioda dastlab eshittirishlar to'g'ridan-to'g'ri efirga uzatilib, joylardagi radiokarnaylar orqali tinglab borilgan. Dastlabki yillarda efir setkasidan so'nggi yangiliklar, gazetalar sharhi, gramplastinkalar orqali beriladigan konsert dasturlari, adabiy eshittirishlar va bolalar uchun mo'ljalangan dasturlar o'rin olgan edi. Texnik taraqqiyot tufayli sohada bosqichma-bosqich imko-niyatlar kengayib bordi.

1960-1970-yillarda Buxoro radiosida ikkita muharririyat bo'lib, eshitirishlar o'zbek va rus tillarida olib borilgan. 1980-yillarda tojik va qozoq tili muharririylari ham tashkil etilgan. 1986-yil Buxoroda yangi Radio uyi qurib bitkazilib, zamonaviy texnik uskunalar bilan jihozlangan.

Sovet ittifoqi davrida Buxoro radiosи asosan KPSS Markaziy komitetining plenumi qarorlarining bajarilishi, paxta va boshqa qishloq xo'jaligi maxsulortlari etishtirishda sotsialistik musobaqa, ishlab chiqarish aktivligini kuchaytirish, tinglovchilarning siyosiy bilimlarga bo'lgan qiziqishini oshirishga xizmat qildi.

XX asrning 60-yillarda G'ijduvon tumanida maxsus radio eshitirish redaksiyasi tashkil etilgan. Avvalida u aloqa bo'limi ixtiyorida bo'lib, mashinistka, direktor, redaktor uchun oylik maosh to'lar, radio redaksiyani bino, magniton, qog'oz bilan ta'minlar edi. Ularning faoliyatiga metodik yordam ko'rsatish, berilayotgan eshitirishlar saviyasini nazorat qilish tuman firqa komiteti zimmasiga yuklatildi. Shu maqsadda radio televedenie komiteti huzurida tuman radiosini nazorat qiladigan alohida redaksiya tuzilgan. 1968-1970 yillarda rayon radio eshitirish redaksiyalari viloyat radio va televedeniesi tasarrufiga o'tkazildi. 1978 yilda esa tuman gazetaları ixtiyoriga topshirilgan. G'oyaviy siyosiy rahbarlik ro'znama redaktori zimmasiga yuklatilgan. 1993-1995 yillarda radio redaksiyasi ishlari bozor iqtisodi sharoitida og'irlashgan. 1995 yilda G'ijduvon radiosи faoliyati to'xtatilgan. G'ijduvon tumani radiosida Zarif Sa'diyev, Mardon Ro'ziyev, Ortig Toshiyev, Xosiyat Baqoyeva, Gulsara Shamsiyeva, amrullo Abdullayev va boshqalar redaktorlik, suhandonlik

vazifalarini bajarishgan. Buxoro viloyatining 11 tumanida ham radio eshitrish redaksiyasi faoliyat yuritgan. Jumladan, Kogon tumanida yarim asr davomida radio faoliyat yuritgan.

O'zbekiston Respublikasi Prezidentining 1992-yil 7-yanvarda e'lon qilingan "O'zbekiston Respublikasi televedenie va radioeshitrish davlat komiteti O'zbekiston Davlat teleradioeshittirish kompaniyasiga aylantirish to'g'risida"gi Farmoniga asosan O'zbekiston Respublikasi televedenie va radioeshitrish davlat komiteti qayta tashkil etilib, O'zbekiston Davlat teleradioeshittirish kompaniyasiga aylantirildi. Mazkur farmonga muvofiq, radio va televedenie va unga qarashli korxona hamda tashkilotlarning barqaror ishlashi yo'lga qo'yildi. Shu maqsadda 1992-yil 11-martda O'zbekiston Respublikasi Vazirlar Mahkamasining "O'zbekiston Davlat teleradioeshitrish kompaniyasi to'g'risida"gi 123-Qarori qabul qilinib, O'zbekiston Davlat teleradioeshitrish kompaniyasi to'g'risidagi Nizom tasdiqlangan.

Shu tariqa O'zbekiston Davlat teleradioeshittirish kompaniyasi televiedenie va radio eshittirish davlat komitetining huquqiy vorisi bo'lib qoldi hamda uning faoliyatini yanada mukammalroq davom ettirishi belgilandi.

Teleradiokompaniya xalqaro hayotni yoritish, davlatlararo va tashqi iqtisodiy aloqalarni, shuningdek xorijga vatandoshlar bilan aloqani mustahkamlash, yaxshi qo'shnichilik, o'zaro manfaatli hamkorlik o'rnatish ishida faollik ko'rsatmoqda.

Mustaqillikka erishganimizdan so'ng ommaviy axborot vositalari, jumladan, radio va televiedenie xodimlari oldida ham mas'ul vazifalarni qo'ydi. Eng avvalo, mustaqilligimizga erishguncha bo'lgan davrdagi balandparvoz, deb dabdabali, tinglovchi ensasini qotiradigan mahdu sonalardan voz kechish, xalqqa, haqiqiy hayotga yaqinlashish, odamlar qalbiga qulq solish, ularning dardu tashvishlari bilan yashash masalasi jurnalistning asl vazifasi hamda vijdoniy burchiga aylandi. Mustaqillikni to'la anglash, uning mohiyatini his etish uchun dastlab ma'naviyatimiz, o'tmishimiz, milliy qadriyatimiz va o'zbek xalqining qadim tarixini Buxoro viloyati aholisiga etkazish bosh vazifa etib belgilandi. Shu maqsadda Buxoro viloyat radiosida "Meros" radiojurnalni tashkil etildi. "Meros" radiojurnalida shoir Sadreddin Salim Buxoriy tomonidan tarix va madaniyatga oid 50 ga yaqin radioeshittirish tayyorlandi. Xususan, Abduxoliq G'ijduvoniy, Bahouddin Naqshband, Mir Kulol, Xoja Orif Mohitobon, Xo'ja Ismat Buxoriy kabi ko'plab tasavvuf namoyondalari haqida, shuningdek, Buxoro nomini olamga mashhur etgan umri boqiy obidalar xususida tayyorlagan radioeshittirishlari Buxoro qiloyati tinglovchilariga juda manzur bo'ldi.

Istiqlol nafaqat ma'naviy, balki, iqtisodiy va ijtimoiy hayotga ham katta o'zgarishlar kiritdi. Bir paytlar o'zbek tili lug'atidan o'chib ketgan "tadbirkor", "savdogar", "tijoratchi", "xususiy mulk", "shaxsiy mulk" kabi so'zlar iqtisodiy islohotlarni amalga oshirishda etakchi o'rin tutadigan vazifalarni bajaruvchi mezonlar sifatida eshittirish va ko'rsatuvlarning mohiyatini belgilab berdi. Bu borada Buxoro viloyati radiosining "Xususiylashtirish – davr talabi", "Shaxsiy mulk – boqiy mulk", "O'zbekiston – Vatanim", "Mahallam – uyim" ruknlari muhim o'rin tutdi. Buxoro radiosida yoshlar masalasi dasturlarning asosiy e'tibor qaratiladigan mavzularidan biri hisoblanadi. O'zbek tilidagi "Buxoro yoshligi", tojik tilidagi "Javoni" radiojurnallari, rus tilidagi "Molodyojnaya programma"da viloyat yoshlari amalga oshirayotgan buniyodkorlik ishlari, ularning hayot tarzlari, kelajak sohiblariga oid muammolar muntazam yoritilib borilmoqda. Radio dasturlarini shu kun talabiga mos, shu zamon vaziyatiga xos qilib tayyorlanishida Nasrullo Fozilov, Xadicha Ramazonova, Asadjon Gulov, SHukrullo Faridov, Rinat Tachkin, Vicheslav Em, Olima Mirzaeva, Hamida Nasriddinova kabi ijodiy, Lola Bafoeva, Shuhrat Sapaev kabi texnik xodimlarning xizmatini alohida qayd etish lozim.

O'zbekistonda milliy so'm muomalaga kiritilganiga qadar kupon tizimidan foydalanilgan edi. Shu paytda Buxoro radiosiga viloyat ahli murojaat qilib, bu borada tushuntirish berishni so'ragan. Shunda viloyat radiosи kunning eng muhim xabari O'zbekistonda kupon tizimining joriy etilishi va ayrim maxsulotlarning kuponga sotilishi xususida rasmiy xabarni bergen.

Kupon tizimini joriy qilinishidan maqsad nima bo'lganligi xususida esa, quyidagi ma'lumotlar radio orqali tushuntirilgan: "Ko'p hamdo'stlik davlatlarda narx-navoning oshib ketishi yoki maxsulot tanqisligi ko'pchilik odamlarni O'zbekistonga oziq-ovqat maxsuloti uchun kelishga majbur qilmoqda. Rossiya maoshlar oshirildi, imtiyozlar ko'paytirildi, biroq do'konlar bo'm-bo'sh. Pulini maxsulotga almashtirishni istagan xaridor, O'zbekistoga kelib, uning shahar va qishloqlaridan maxsulotni olib ketmoqda. Oqibatda bizning do'konlarda ham maxsulot taqchilligi yuzaga kelmoqda. Shunday og'ir sharoitda xalqqa sotiladigan mahsulotni yashirib, tanish-bilishchilik qiladigan yoki ko'p pul bergen

ILMIY AXBOROT

boshqa davlatlarning fuqarolariga maxsulotlarni sotib yuborayotgan kimsalarga qarshi chora ko'rish maqsadida kupon tizimi joriy qilindi".

Mustaqillikning dastlabki yillarda Buxoro radiosi orqali uzatilgan "Jinoyat jazosiz qolmaydi" mavzusidagi radioeshittirishda viloyatda jinoyatchilikni oldini olish borasidagi qilingan tezkor tadbirlar xalqqa yetkazilib turilgan. 1992-1993-yillarda Buxoro viloyatida jinoyatchilik olamida o'ziga xos bir xavfli va ayanchli bo'lgan halqa shakllangan edi. Ular o'g'rilik, bosqinchilik, giyohvandlik singari jinoyatlarni sodir etar edilar.

Shu paytda Buxoro radiosi viloyat aholisiga qonun ustivor bo'lgan demokratik davlat tuzishga harakat qilinayotgani, adalot tantana qilib aybdorlar o'ziga yarasha jazoni olishlari, qonun mukammal bo'lgandagina odamlar o'rtasida diyonat, insof, o'z haqqiga sabr-qanoat qilishi tuyg'ulari ustivor bo'lishi haqida o'z dasturlarida muntazam tushuntirish berib keldi.

Buxoro shahar Fayzulla Xo'jayev tumani ichki ishlar bo'limi boshlig'i, militsiya podpolkovnigi Ne'mat Burxonov "Jinoyat jazosiz qolmaydi" radioeshittirishida Buxorodagi jinoyatchilik va uni oldini olish borasida quyidagi fikrlarni bildirgan: "O'tgan 1993-yilda Buxoro viloyati hududida 1253 marta shaxsiy mulklarni o'g'irlash, 305 marta davlat mulkini o'g'irlash holatlari qayd etildi. Fuqarolarning kunduzi ishda bo'lishlari va uylarining qarovsiz qoldirilayotganidan foydalanayotgan jinoyatchilar shaxsiy mulklarni o'g'irlab ketmoqdalar. Viloyatda bu turdag'i jinoyatchilik 1992-yilga nisbatan anchaga kamayishiga erishildi".

Buxoro shahar Fayzulla Xo'jayev tumani ichki ishlar bo'limi boshlig'i ma'lumotiga ko'ra 1993-yilda Buxoro viloyatida avtotransport vositalarini o'g'irlab ketish avj olgan. Fayzulla Xo'jaev tumani ichki ishlar bo'limi jinoyat qidiruv xodimlari tomonidan mahorat bilan qo'liga olingan jinoy guruuhlar tomonidan sodir etilgan 35 ta jinoyat fosh etilgan.

1997-yildan boshlab Buxoro viloyatida roadioning simli tarmoqlari tugatiladi. Natijada bir muddat qishloq ahlining mahalliy eshittirishlarga bo'lgan ehtiyoji qondirilmay qoladi. Mahalliy eshittirishlar uzun diapazonli radioto'lqinlar orqali efirga berila boshlagandan keyin tinglovchilar eshittirishlarni priyomniklar vositasida eshita boshladilar. 2006 yil yanvaridan boshlab, Buxoro viloyat radiosi eshittirishlarini FM – 101,2 radioto'lqinlar orqali efirga uzatidayotgani tinglovchilarning safini ancha kengaytiradi.

Buxoro viloyat radiosida Obil Hamroev, Inobat ochilova, Rinat Tachkin, Xolida Gimranova va boshqa radiojurnalistlar tomonidan tayyorlangan "Asr sadosi", "Yoshlar ovozi", "Meros", "Subbotniy kaleydoskop" kabi eshittirishlar ko'plab tinglovchilarga manzur bo'lgan.

2018-yilda Buxoro viloyat radiosidagi boshqaruvi pulti zamonaviy Behringer miksher pulti bilan almashtirildi. Shuningdek, 2 ta Inter Pentium G3240 kompyuteri hamda 2 ta Dreyer va mikrafonlar o'rnatilib, montaj xonasi to'liq ta'mirlangan.

2022-yilda viloyat hokimligi tomonidan ajratilgan va teleradiokompaniyaning o'z mablag'lari hisobidan 2 Kvtlik radiouzatkich xarid qilindi. Viloyat radiosi endi o'z eshittirishlarini 18 soat davomida efirga uzatish imkoniyatiga ega bo'ldi. Tayyorlanadigan eshittirishlarning yuqori texnik va badiiy savyasini ta'minlash maqsadida zamonaviy mikrofonlar, audiomiksher, montaj kompyuteri va boshqa jihozlar joylashtirilgan yangi studiya barpo etildi. Endi muxbirlarning efirga to'g'ridan-to'g'ri chiqishlari va radiottinglovchilar bilan bevosita jonli efirda muloqotga kirishishlari uchun etarli sharoitlar yaratildi. "Buxoro" radiosining efir jadvalidan turli mavzudagi ijtimoiy-iqtisodiy, siyosiy, ko'ngilochar va musiqiy dasturlar, aholining turli qatlamlari uchun mo'ljallangan dasturlar joy olgan. Bir so'z bilan aytganda, viloyat radiosi yillar davomida xalqimizga xizmat qilib keldi va xizmat qilishda davom etmoqda.

XULOSA

Xullas, bundan bir asr ilgari kashf etilgan radio aloqa vositasi sifatida yillar davomida takomillashib borgan. Turli ommaviy axborot vositalari ta'siri ostida ushbu aloqa-axborot vositasi negizida aloqa-axborot vositalarining yangi avlodlari kompyuter, mobil aloqa vositalari, plpnshetlar paydo bo'lgan. Muhim axborot vositasi sifatida radio bugungi kunda nafaqat axborot tarqatish, balki ma'nnaviy-ma'rifiy, ko'ngilochar, omma fikrini shakllantirish kabi vazifalarni bajarib kelmoqda.

ADABIYOTLAR RO'YXATI

1. Ўзбекистон миллий телерадиокомпанияси замон билан ҳамқадам. - Тошкент: Dizayn-Print, 2022. - Б.200.
2. Аминов Ф. Бухоро вилоят телерадиокомпанияси тарихидан лавҳалар. Бухоро телерадиокомпанияси: Кеча ва бугун. - Бухоро: Дурдона, 2022. -Б.10.
3. Бухоро вилояти давлат архиви. 1220-фонд, 2-рўйхат, 136-йигма жилд, 4-варақ.
4. Бақоев М. Фиждувоннома (Фиждувон тарихидан лавҳалар) - Тошкент: Янги аср авлоди, 2001. -Б.158.
5. Ражабов Қ., Рашидов У., Рашидов О. Фиждувон тумани тарихи. - Тошкент: Tafakkur, 2015. - Б.49.
6. Солиев Б., Шодиев С., Рўзиев Ч. Когон: замон - макон - давр сисиласида. - Бухоро: Бухоро нашр, 2023. - Б.237.
7. Ўзбекистон Миллий архиви. M-57 фонд, 1-рўйхат, 1-йигма жилд, 4-варақ.
8. Воҳидов С. Мустақиллик нафасин ёйиб...// Бухоро ҳақиқати. 1995 йил 27 июнь. 52-сон.
9. Бухоро вилояти давлат архиви. 1398-фонд, 1-рўйхат, 1-йигма жилд, 11-варақ.
10. Viloyat teleradiokompaniyasi: bugun va ertaga // Buxogonomta. 2007 йил 28 июнь. 51-сон.